



საქართველოს  
ზიგლოტიკა

# მეცნიერება

ო. ზ. ი. ც. ი. ა. ლ. უ. რ. ი. ბ. ა. ნ. ყ. ო. ზ. ი. ლ. ე. ბ. ა.

## იმერეთის ეპარქიალური გაბრიელის სასწავლებლის რჩევისაგან

იმერეთის ეპარქიალური გაბრიელის ქალების სასწავლებლის რჩევა აცხადებს, რომ მისაღები გამოცდა სასწავლებელში შემსვლელთათვის დანიშნულია 27, ხოლო განმეორებითი გამოცდა 28 აგვისტოს.

მომავალი 1901—1902 სასწავლო წლიდამ სასწავლებელში იქნება ყველა კლასები გარდა მესამისა.

ვაკანსიები იმეკონებიან შემდეგ კლასებში: VI, V, IV, II და უნცროს მოსამზადებელში მიახლოვებით: VI კლასში—27—37; V კლასში 20—30; IV და II კლასებში არა ნაკლებ სამ-სამი ვაკანსიისა და უნცროს მოსამზადებელში 38 ვაკანსია.

თხოვნები სასწავლებელში მიღების შესახებ, შეტანილ უნდა იქნენ სასწავლებლის რჩევის სახელზე 15 აგვისტომდე და თხოვნასთან ერთად წარდგენილ უნდა იქნენ შემდეგი საბუთები: მეტრიკული მოწმობა სინოდ. კანტორისა (და არა მეტრიკული წიგნებიდამ აღმოწერილობა); 2) ყვავილის აკრის და საზოგადოდ ტანმრთელობის მოწმობა და 3) თუ მოსწავლე ქალი გადმოდის სხვა სასწავლებლიდან, მაშინ მან უნდა წარმოადგინოს მოწმობა იმ სასწავლებლისა, სადაც ის უწინ სწავლობდა.— თხოვნები, რომლებთან ერთად არ იქმნებიან წარმოდგენილნი ზემოთ დასახელებულნი საბუთები, არ იქნებიან მიღებულნი რჩევისაგან, ხოლო ფოშტით გამოგზავნილნი თხოვნები უამ საბუთებოდ, უყურადღებოდ დარჩებიან იმ მოსწავლე ქალთა სიების შედგენის დროს, რომელთაც მისაღები ეგზამენები უნდა დაიპირონ.


## ქუთაისის სასულიერო სემინარიის სამმართველო-ლოისაგან.


სამმართველო ქუთაისის სასულიერო სემინარიისა აცხადებს, რომ განმეორებითი და დამატებითი ეგზამენები სემინარიის ზემო კლასებში, პირველ კლასს გარდა, დაიწყება ოც აგვისტოს, ხოლო მისაღები ეგზამენები პირველ კლასში შემსვლელთათვის 22 აგვისტოს 1901 წელსა.

## ღერბის გადასახადის ახალი წესდებულება

ამ სტატიაში ახალი წესდებულება ღერბის გადასახადის შესახებ, უმაღლესად დამტკიცებული 1900 წ 10 თიბათვეს და მოქმედებაში შესული 1 მარტიდან 1901 წელსა, სისრულით არაა მოყვანილი, არამედ შემოკლებით იმდენად, რამდენადაც ის შეეხება და უნდა სრულდებოდეს საქმეებში, რომელიც უნდა განიხილოს სასულიერო სასამართლომ და სასულიერო უწყების დაწესებულებათა და თანამდებობის პირთა.

ახალს წესდებულებას შემოაქვს ღერბის გადასახადი ორ-გვარი; მარტივი, რომელიც განსაზღვრულის რაოდენობით გარდახდება ქალაქდებს, აქტებს და საბუთებს და თან შეზომილი, რომელიც იანგარიშება აქტში გამოყვანილი ჯამის სარგებელთან შეფარდებით (სტ. 8). აქ იმეკონების სახეში მხოლოდ მარტივი (უბრალო) ღერბის გადასახადი და ამასთანავე ერთი ხუთ დაწესებულ რაოდენობა-





თაგანისა (სტ. 11), და სახელდობრ 60 კაპეკიანი, რადგან მხოლოდ ეს ღერბის გადასახადი და ამ რაოდენობით შეესაბამება ზემოდ დასახელებულს საქმეებს.

1. საზოგადო დაქულებასა.

1. მარტივი (უბრალო) ღერბის გადასახადი 60 კაპეკიანი თითოეულს თაბახზედ უნდა გადახდებოდეს:

ა) კერძო პირთა და დაწესებულებათ კერძო საქმეთა გამო გაგზავნილს ან მორთმეულ მმართველობითის, გამგეობითის დაწესებულებათა და თანამდებობის პირთა სახელზედ თხოვნებს, განცხადებათა, საჩივარს, პასუხს, პასუხის მიცემას, ჰაზრის დარღვევას და ჰაზრსა რომელიმე პირის ან საგნის შესახებ (სტ. 14 მუხლი 1).

ბ) წარდგენილს ნაჩვენებს ქალაქდებთან ერთად, მთხოვნელთა სურვილისამებრ ან კანონის მოთხოვნით, ასლებს ამა ქალაქდთა (დედნებთან თანასწორად სტ. 12) და მათთან წასადგენთა საბუთთაგან და საზოგადოდ დამატებათაგან, გარდა ამ საბუთთა ასლებისა, რომელსაც მცირე ზომით გადახდება ღერბის გადასახადი (სტ. 14. მუხლი 1); ნამდვილი საბუთები (დედნები) და დამატებანი, უკეთეს ის წარედგინება მართველობითს დაწესებულებათა და თანამდებობის პირთა (როგორც წინაღ ღერბის ხარჯის გადასახადი) არ საქირებებს ცალკე ღერბის გადასახადის მიცემაში (შენიშვნა მეორე მუხლისა სტ. 14).

გ) მიცემულს ანუ გაგზავნილს მმართველობითის, გამგეობითის დაწესებულების ან თანამდებობის პირთა მიერ კერძო პირთა და დაწესებულებათა მიმართ, საპასუხოთ მათის წერილობითის ან სიტყვიერის (უკეთეს ეს უკანასკნელი შესაძლებელია სადმე) თხოვნისა: უწყებათა და განცხადებათა, რასაც საქმის არსებითი მხარე მოითხოვს ანუ რომლის მიცემის შესახებ შუამდგომლობდა მთხოვნელი (სტ. 15 მუხლი 1 და დარიგება ღერბის ხარჯის შესახებ პარაგ. 24, მუხლი 3). ასლებს გადაწყვეტილებათა და განჩინებათა და ყველა საქმის წარმოებითის ქალაქდებისას; ოფიციალურს ცნობებს იმ საქმეებისას, რომელიც წარმოებს ან გათავდა, მოწმობებს სხვა-და-სხვა სახისას, როგორც მაგალ. აქტებს, რომელიც მოქალაქეობრივს მდგომარეობას და პირს შეეხება (სტ. 14 მუხლი 3).

დ) საქმის წარმოებასთან დატოვებულს ასლებს ნამდვილი აქტებისა და ანუ საბუთებისას, რომელსაც აღძვევენ კერძო პირს ანუ დაწესებულებას მმართველობითის დაწესებულების ანუ თანამდებობის პირის საქმის წარმოებიდან, უკეთეს ასეთი ასლები, ღერბის ხარჯის გადასახადი, საქმეში არაა და უკე-

თუ ეს ასლები საქმესთან უნდა დარჩეს (სტ. 83 და დარიგება პარაგ. 24 მუხლი 4)

ე) ხელწერილებისათვის, რომელსაც აღძვეს მთხოვნელთა სურვილისამებრ მმართველობითი დაწესებულება ანუ თანამდებობის პირი თხოვნის მიღების შესახებ, საკმაოა 15 კაპ. ღერბის მარკა (სტ. 15 მუხლი 3).

2. თუ ერთს ქალაქდზედ მოთავსდება რამდენიმე აქტი, საბუთი ანუ ასლი, მაშინ თითოეულის აქტისა, საბუთისა და ასლისათვის საჭიროა საკუთარი გადასახადი ღერბისა იმ სახით, რომ მთელის გადასახადის საზოგადო ჯამი ამ ქალაქდისა შესდგეს თითოეულის საბუთის კანონიერის გადასახადიდან, რომელიც ერთს ქალაქდზეა მოთავსებული. (სტ. 5 და დარიგების პარაგ. 6).

3. შეიძლება ღერბის გადასახადის მიცემა შემდეგის სახით:

ა) ღერბის ქალაქდზედ დაწერით (სულ ერთია ერთს თუ რამდენსამე თაბახზედ), რომელიც ღირს იმდენ ფასად, რამდენი ფასის მიცემაც საჭიროა ღერბის ნიშნებში (სტ. 8. მუხლი 1); ღერბის ქალაქდი ორის ჯურისა: სამ აბაზიანი და მანეთიანი (დამატ. 34 დარიგებისა).

ბ) შთაკვრებით უბრალო ქალაქდზედ დაწერილ საქმეებში ღერბის ქალაქდისა, ღირებულისა იმ ფასად, რა ფასიც დასჭირდება ღერბის ნიშნებს ამა თუ იმ საბუთისათვის (სტ. 80 მუხლი 2).

გ) ღერბის მარკების დაკვრით იმ საბუთებზე, რომელიც დაწერილია უბრალო ქალაქდზედ.. ღერბის მარკებიც ექვსნაირია: შაურიანი, ორშაურიანი, სამშაურიანი, ორაბაზიანი, სამაბაზიანი და მანეთიანი.

დ) ნაღდი ფულის მიცემით, ღერბის ქალაქდის ან მარკების ნაცვლად, ანუ ხაზინის ხელწერილის წარდგენით, რომელშიაც უნდა იყოს აღნიშნული ის, რომ მთხოვნელმა შეიტანა ხვედრი ღერბის გადასახადი ხაზინაში (სტ. 8. მუხლი 4. სტ. 84 და დარიგების პარაგ. 80 და 81 და სტ. 92 და 93).

4. დიდხნობას ღერბის გადასახადისათვის მნიშვნელობა არა აქვს (სტ. 6).

ე. იმ შემთხვევაში, როდესაც ადმინისტრაციულს მმართველობითს დაწესებულებაში და თანამდებობის პირს ერთს თხოვნასა რამდენიმე საგნის შესახებ აღძვეს ვინმე, და ან რამდენიმე პირი ან დაწესებულება ერთს თხოვნას აღძვევენ იმ საზოგადო საქმის თაობაზედ, რომელიც მათ შეეხება, ღერბის ხარჯი გადახდება არა შუამდგომლობათა და მთხოვნელთა რიცხვის, არამედ იმ ფურცელთა რიცხვის მიხედვით, რომელზედაც მოთავსებულია თხოვნა (დარიგ. § 25, მუხლ. 6).



ვ. კერძო პირი ან დაწესებულება, რომელიც მიმართავს მმართველობითს დაწესებულებას ან თანამდებობის პირს შუამდგომლობით, რომელიც თხოვლობს წერილობითს პასუხს, ვალდებულია თხოვნისთვის ღერბის ხარჯის გადახდის გარდა წარადგინოს ღერბის მარკა ანუ ქალაქი ღერბიანი ჯეროვანის ღირსებისა, რათა პასუხისათვის შეტანილ იქმნას ღერბის ხარჯი (სტ. 82).

ზ. პასუხი კერძო პირის თხოვნისა რამდენიმე საგნის შესახებ ანუ რამდენიმე პირის და დაწესებულებისა მათის საზოგადო საქმის შესახებ თხოვნის გამო (შედარე § 5), საჭიროებს ღერბის ხარჯის გადახდაში არა მთხოვნელთა და საგანთა, არამედ საპასუხო ქალაქისა რიცხვის მიხედვით (დარიგ. § 25, მუხ. 6).

შენიშვნა: ღერბის ხარჯის წესდებულების მე-82 სტატიის § 25 და დარიგების მე-6 მუხლს. შინაარსიდან სწანს, რომ უწყებანი, განცხადებანი და საზოგადოდ ნებართვითი ქალაქები როგორც გაგზავნილი მართველობითთა დაწესებულებათა და თანამდებობის პირთა მიერ, აგრეთვე პასუხი მათის თხოვნებისა, საჭიროებს ღერბის ხარჯის გადახდაში არა იმ ფურცელთა რიცხვის თანახმად, რომელზედაც დაწერილია პასუხი, არამედ პასუხთა რიცხვის მიხედვით.

ც. თუ მთხოვნელი, პასუხისგან დამოუკიდებლად, შუამდგომლობს, რათა მას მიეცეს ოქმები, საბუთები და ან სხვა ქალაქისა ასლები, რომელიც (ქალაქები) იმეჭონება მართველობითის დაწესებულების ანუ თანამდებობის პირის საქმის წარმოებაში, ის ვალდებულია წარადგინოს იმდენი ღერბის მარკა ანუ ფურცელი ღერბის ქალაქისა, რამდენიც საჭიროა ხსენებულ ოქმების, საბუთების და ასლების ღერბის ხარჯის გადახდისათვის (სტ. 82).

შენიშვნა: აქ იგულისხმება ისეთი ოქმები და საბუთები, რომელსაც ახლად აღგენენ იმ დაწესებულებაში, საიდანაც იმათ გამოითხოვენ.

თ. მაშინ, როდესაც კერძო პირს ან დაწესებულებას ეძლევის მართველობითის დაწესებულების ანუ თანამდებობის პირის საქმის წარმოებიდან ნამდვილი დედნები ოქმებისა ანუ საბუთებისა, მიმღები ვალდებულია წარადგინოს იმდენი ღერბის მარკა ანუ ქალაქი, რამდენიც საჭიროა ღერბის ხარჯის გადასახდელად იმ დედნების ასლებისათვის, რომელსაც საქმის წარმოებაში დასტოვებენ, უკეთუ ასეთი ასლები, ღერბის ხარჯ გადახდილი, საქმეებში არაა და უკეთუ ამ ასლების დატოვება საჭიროა საქმეებთან ერთად (სტ. 83).

ი. როდესაც მთხოვნელს მისცემენ საბუთს ან ასლსა და ამასთანავე წერილობითს პასუხს აძლევენ

შუამდგომლობის თანახმად, მაშინ ღერბის ხარჯის გადახდა საჭიროა როგორც პასუხისა, ისე მიწაცემი საბუთისა ან ასლისათვის; იქ ქალაქებისათვის კი, რომლებთან ერთად იგზავნება საბუთი ან ასლი და რომლებშიაც ასეთი პასუხი არაა, ღერბის ხარჯის გადახდა საჭირო არ არის. (სტ. 22 და დარიგ. § 25, მუხ. 2).

ია. თუ უბრუნდების თვისი თხოვნა და ამასთანავე ნათხოვნი საბუთებიც არ ეძლევა, იმავე საგნის გამო ახალ თხოვნის მიცემის დროს ჩათვლება მას ყველა მარკები, რომელიც მან პირველ თხოვნასთან ერთად წარმომდგინა, ერთის გარდა, ამასთანავე ახალს თხოვნასა ანუ განცხადებასთან ერთად უნდა წარმოდგენილ იქმნას პირველი თხოვნა იმის დასამტკიცებლად, რომ ნათხოვნი საბუთებისათვის ღერბის ხარჯი უკვე გადახდილია (სტ. 88).

იბ. ფინლიანდიის დიდის სამთავროდგან გამოგზავნილი ქალაქებისათვის სახელმწიფოს მართველობითის დაწესებულების ანუ თანამდებობის პირთა სახელზე და აგრეთვე მათი პასუხისათვის შეიძლება გადახდილ იქმნას ნაღდი ფული, რომელიც ხსენებულ ქალაქებთან იგზავნების (სტ. 92).

იგ. იმ ქალაქებისათვის, რომელსაც სამზღვარ გარეთს მყოფნი გზავნიან სახელმწიფოს მართველობითის დაწესებულების ანუ თანამდებობის პირთა სახელზე, და აგრეთვე ამ ქალაქების პასუხისათვის შეიძლება გადახდილ იქმნას ღერბის ხარჯი რუსეთის ელჩთან ანუ დიპლომატიურ რწმუნებულთან შეტანით, ისე კი რომ გამოგზავნილ ქალაქებთან ერთად წარმოდგენილ იქმნას ელჩის ანუ რწმუნებულის ხელწერილი ხსენებულ ფულის მიღების შესახებ; ან არა და შეიძლება ამავე საგნისათვის ქალაქთან ერთად ნაღდი ფული გამოგზავნილ იქმნას (სტ. 93).

იდ. თუ მთხოვნელი ღერბის ხარჯს ღერბის მარკებით იხდის, მაშინ ეს მარკები უნდა დააკრას მან ხსენებულ ქალაქებს, იმათ მიცემამდის, პირველს ანუ რამოდენიმე გვერდზე, თუ ის რამდენიმე ფურცლიდან შედგება. მარკები, რომელიც საჭიროა დამატებისათვის, აგრეთვე საპასუხო ქალაქებისა და საბუთებისათვის, რომელთაც აძლევენ მართველობითი დაწესებულება ანუ თანამდებობის პირი, შეიძლება თხოვნებზე მიკრულ იქმნას; ამ შემთხვევაში ხსენებულ დამატებებსა, ქალაქებსა და საბუთებზე უნდა წაეწეროს, მათის მიღების ანუ მიცემის დროს, შენიშვნა ღერბის ხარჯის გადახდის შესახებ (სტ. 85). მარკები, რომელიც ხსენებულ ქალაქებისათვისაა საჭირო, შეიძლება მაგრად დაეკრას, ანუ სუსტად და ან დაუკვრელად წარდგე-

ნილ იქმნას, მათზედ დასაკრავად დაწესებული რიგისამებრ (დარიგ. § 31).

ივ. პირს, რომელიც აძლევს თხოვნას ანუ ქალაქს, ნება აქვს აღნიშნოს ღერბის მარკაზედ დრო (წელი თვე და რიცხვი) ქალაქის დაწერისა ანუ მიცემისა და აგრეთვე მოაწეროს, უკეთეს სურს, თვისი გვარი; ამ მოწერაში არ შეიძლება რამე წაშლილი იყოს და ან მინაწერი (სტ. 87), მაგრამ მთხოვნელს ნება არა აქვს თვით გააუქმოს მარკები (დარიგ. § 31).

ივ. თხოვნათა, ოქმების, საბუთების და ასლების მიღების ან მიცემის დროს, რომელსაც აქვს დაკრული ღერბის მარკები, მართებლობითი დაწესებულება ანუ თანამდებობის პირი, აუქმებს ამ მარკებს შემდეგის სახით: აღნიშნავს მათზედ ხელით ან დამლით: წელიწადს, თვეს და რიცხვს ქალაქის შეტანისას ან მოწერისას, გინა ქალაქის მიცემისას ან შემოწმებისას, კიდევ მისაცემი ქალაქის საქმესთან დატოვებულის ასლისას, და აუქმებს თითოეულს მარკას მეხანიკურად (სტ. 86 და 88 და დარიგ. § 32).

იზ. მეხანიკური გაუქმება მარკებისა შემდეგის სახით ხდება: ა) როდესაც მარკები წარდგენილია ქალაქსა დასაწერად მიუწებებლად ანუ ცოტათი მიწებებულად, მაშინ საკმაოა მოეკრას ანუ მოველიჯოს მარკას ერთი კუთხე, ისე კი რომ თვით ღერბი (შუაგული) მარკისა დასაწერად იქმნას; ამის შემდეგ მარკა უნდა მაგრად დაეკრას ოქმსა, საბუთსა ანუ ქალაქსა და იმაზედ დაწერილ იქმნას შენიშვნა, სტ. 86 და 89-ში მოხსენებული (დარიგ. პარაგ. 33, მუხლ. 1). ბ) როდესაც მარკები მაგრად დაკრულია მინაცემს ქალაქსა დასაწერად, მაშინ ყოველის უწინარეს მათზედ იწერება შენიშვნა, რომლის შესახებ ნათქვამია სტ. 86 და 89-ში და შემდეგ მარკებს აუქმებს მართებლობითი დაწესებულება ანუ თანამდებობის პირი განსაკუთრებით იარაღის შემწეობით, რომელიც შეუძლებლად ხდის მარკის მეორეჯერ ხმარებას (მაგალ. ჩახვრეტს ქალაქსა და მარკას დამლის მსგავსად, ანუ ამოგლიჯოს პატარა ნაჭრებს დანაკრობი მარკისას და სხვ.), მაგრამ ყოველს შემთხვევაში უწებლად ქალაქის შინაარსის არსებითის ნაწილისა (დარიგ. პარაგ. 33, მუხლი 2).

ილ. მარკების მეხანიკურის გაუქმების მაგივრად ნება დართულია მათი გაუქმება: ა) ზემო ნაწილის დაჯვარადინებით ისე, რომ ჯვრების ბოლოები მარ-

კიდგან იმ ქალაქსა დასაწერად, რომელზედაც მიკრულია მარკა და ბ) მეღნით წარწერით თვით მარკაზედ მისი გაუქმების დროისა და აგრეთვე გაუქმების პირისა, ამასთანავე, წარწერის მაგივრად, შეიძლება დასმულ იქმნას დამლა (დარიგების პარაგრაფი 34).


იო. როდესაც ღერბის ხარჯს იხდიან თხოვნებისა, ასლებისა და დამატებისა, აგრეთვე ოქმებისა, საბუთებისა და სხვა ქალაქებისათვის ღერბის ქალაქსა დასაწერად, მაშინ ამ ქალაქის განსაკუთრებული გაუქმება საჭირო არაა (დარიგ. პარაგ. 23).

კ. თუ საბასუხო ქალაქებისა და ან მისაცემ საბუთებისა და ასლებისათვის გადახდილია ღერბის ხარჯი ღერბის ქალაქსა დასაწერად რიცხვის წარდგენით (სტ. 82 და 83), და თუ ამასთანავე ყველა ეს საბასუხო ქალაქები იქნება, მთხოვნელის თხოვნის თანახმად, დაწერილი მის მიერ წარმოდგენილს ღერბის ქალაქსა დასაწერად, ამ შემთხვევაში გაუქმება ღერბის ნიშნებისა საჭირო აღარაა (სტ. პარაგ. 23).

კა. მაშინ, როდესაც ღერბის ქალაქს აღგენენ თხოვნების და დამატებათა (უბრალო ქალაქსა დასაწერად და აგრეთვე ასეთსავე ქალაქსა დასაწერად დანაწერილს იმათი პასუხის და დამატების (ასლებისა და საბუთებისა) ღერბის ხარჯის დასაფარავად, ღერბის ქალაქი შეუერთდება სათანადო საქმეს და ამ ქალაქსა დასაწერად აღნიშნება მოკლე წარწერით გაუქმება იმის შესახებ, რა შემთხვევის გამო იქმნა ეს ქალაქი წარმოდგენილი. ამასთანავე ამ ქალაქის პირველ ნახევარს ძირა კუთხიდან მოეხვევა კარგა ბლომად ნაწილი, მაგალითად ამავე ნახევარ თაბახის მეოთხედამდის (დარიგ. პარაგ. 49).

კბ. ვინაიდან ქალაქებს, ოქმებს და საბუთებს, რომელიც დაწერილია ყალბს ანუ ნახმარს ღერბის ქალაქსა დასაწერად, ანუ ზედ აკრავთ ყალბი ანუ ნახმარი ღერბის მარკა, არ ჩათვლიან ღერბის ხარჯის გადნახად (სტ. 16), თითოეული პირი ანუ დაწესებულება, რომელიც ხმარობს ანუ აუქმებს ღერბის ნიშანს უნდა უპირველეს ყოვლისა დარწმუნდეს, რომ ეს ნიშანი ყალბი არაა და რომ მასზედ არაა არავითარი ნიშნები წინანდელის ხმარებისა (დარიგ. პარაგ. 21).

# მწყემსი



• მე ვარ მწყემსი კეთილი: მწყემსმან კეთილმან სული თვისი დაჰსდგის ცხოვართათვის. იოან. 10—11.  
 შპავე ცხოვარი ჩემი წაწყმედული. მსრეთ იყოს სიხარულ ცათა შინა, ერთისათვის ცოდვილისა. ლუკ. 15—4.  
 შოვედით ჩემდა ყოველნი მამურალნი და ტვირთ-მძიმენი და მე განგისვენოთ თქვენ. მათ. 11—28.

№ 12

1883—1901


15—30 ივნისი.

## წერილი წმიდა ათონიდან.

კონსტანტინეპოლის პატრიარქი იოაკიმე III, რომელიც დათხოვნილი იყო თავის კათედრიდან რამოდენიმე წლის განმავლობაში სხვა-და-სხვა საქმეთა და პატრიოტობის გამო, დღეს მეორედ იქმნა მიწოდებული კონსტანტინეპოლის უწმ. სინოდის და ყოველი ერის თხოვნით და, სულთანის ნება-რთვით. მისმა უწმიდესობამ მაისის 24-ს მიიღო მისალოცი ტელეგრამა კონსტანტინეპოლიდგან. ეს ამბავი მთელმა ათონის ბერ-მონაზონებმა სიხარულით მიიღეს.

მაისის 27-ს მის უწმიდესობას თავის საკუთარს სახლში იახლა ჩვენი სავანის მმართველი მამა იონა და რამდენიმე მღვდელ-მონაზონნი მისალოკავად;


როცა მივედით სამყოფსა მისსა, პატრიარქი ბრძანდებოდა გარეთ, საკუთარი მისი ხელითგაკეთებულს და მშვენებულ ალყავებულ მტილსა შინა (ბალში), ერთ მშვენებურ ხის ქვეშ და კითხულობდა ტელეგრამებს. მამა იონამ თავყანი სცა მის უწმიდესობას. პატრიარქი აბრძანდა სიმდაბლით, კურთხევა უბოძა იონას და ჩვენც თითოეულად. ბრძანა დასაჯდომი სკამების მოტანა, რომლებზედაც ჩვენ გვიბრძანა დაჯდომა. მათ უწმიდესობას მიულოცა მ. იონამ მათი მეუფების კათედრაზედ კვალად აღსვლა და მრავალთა ჟამთა სუფევა. მაშინ ბრძანა პატრიარქიან: „პაპა იონავ! კათედრაზე აღსვლა კარგია, მაგრამ მრავალი განსაცდელით საესეა ქვეყანის მმართვეა; და აქ, ათონში ცხოვრება ფრიად კეთილ არს“. მ. იონამ მიუგო თავაზიანად: „უწმიდესო მეუფეო! დიდი გამოცდილი მენავეთ საქეთ-მპყრობელი არა



უფროსის დიდთა ღელვათა ზღვისათა; ხოლო ჩვენისთანა სუსტნი მიილტვიან ნავთსადგურსა მყუდროსა“. მაშინ მათმა უწმიდესობამ გაიღმა და ბრძანა პატრივისცემა ჩვენი. შემდეგ გვიბრძანა: «როგორ ხართ ქართველნი მამანი და ძმანი?» მამა იონამ მოწიწებით და შევერდომით მადლობა მოახსენა და უთხრა: „თქვენი უწმიდესობის ლოცვა-კურთხევით მშვიდობათ გახლავართ, მხოლოდ ერთია ჩვენი მწუხარება—ივერიის მონასტრის მამათა არა აქვსთ ჩვენთან განწყობილი სიყვარული და გვეუსამართლოებიან, რომელიც თქვენმა უწმიდესობამ დაწვრილებით უწყის, და არა უცნობელი ბრძანდებით ამ საქმისა“. მაშინ ბრძანა მათმა უწმიდესობამ: „მრავალი მოგიტმენიათ და კიდევ მოითმინეთ და, ღმერთი თქვენს საქმეს კარგად განაგებსო“. ჩვენ კიდევ მადლობა მოვახსენეთ ნუკეშის ცემისათვის. მერმეთ პატრიარქის ბრძანებით მოგვართვეს ყავა და უცხოელ შემზადებული მურაბა. შემდეგ რამდენიმე წამისა ავდეგით და მუხლ-მოდრეკით მ. იონამ განუგო: «თქვენო უწმიდესობავ, ყოვლად მოწყალეო მეუფეო! იმედია არ დაგვივიწყებთ ქართველთა ძმათა“. მაშინ აბრძანდა მათი უწმიდესობა და მოგვცა კურთხევა, და გვიბრძანა: ჩემს მაგიერად ლოცვა-კურთხევა გარდაცვით ყოველთა ძმათა ქართველთა და მ. თეოდორეს. და მასთანავე ბრძანა: «მე, მიყვარს ქართველთა ძმანი, ვინადგან თქვენ გიყვარსთ მყუდროება და ასკეტიური მოღვაწეობა; მოითმინეთ და კარგად წავა თქვენი საქმე“. ამის შემდეგ წავედით ჩვენს სავანეში.

მაისის 28-ს სულთანადგან ოსმალეთის პოლიციას მოუვიდა ათონში ბრძანება, მათი უწმიდესობის იოაკიმ პატრიარქის საკუთარი საყოფელიდამ დიდის პატრივისცემით და სრულიად ათონის პორტის (სინოდის) თან ხლებულობით მოყვანა კარაიაში, რომელ არს სრულიად ათონის სასამართლო ადგილი, და იქ დავანება, ვიდრე კონსტანტინეპოლიდან საგანგებო გემის მოსვლამდე. 29 მაისს ნაშუადღევის ოთხ საათზე, მოვიდა მთელი ათონის პორტის (სინოდის) წევრები, ოსმალეთის „ჩინოვნიკები“ და მრავალი წარჩინებულნი პირნი. მივიდნენ პატრიარქის საკუთარ სავანესთან და წამოუძღვენ დიდის პატრივით და, მობრძანდა მათი უწმიდესობა ჩვენს—ივერიის მონასტერში; დიდის რეკითა და მიგებ-

ბით შეუძღვენ მონასტერში, სადაც ისურვა პატრიარქმა პარაკლისის გადახდა, წინაშე სასწაულოთ-მომქმედის—ივერიის ყოვლად წმიდის ხატისა. შემდეგ პარაკლისის შესრულებისა, მისი უწმიდესობა დავარდა წინაშე ივერიის ყოვლად წმიდის ღვთის მშობლის ხატისა, ემთხვია ცრემლით და ხელთ-აღპყრობითა ლოცვა აღავლინა და სთხოვა ყოვლად წმიდა ღვთის მშობელს შუამდგომლობა წინაშე ძისათვისისა, უფლისა ჩვენისა იესო ქრისტესსა, რათა წამის ყოფა მისი, მათდა სათნოდ აღასრულებინოს. გამობრძანდა რაჟ მონასტრიდგან, წაბრძანდა კარაიაშიდ ათონის სამსაჯულო ადგილზე, სადაცა იყო საკუთარი ბინადრობა მისი უწმიდესობისა, და პოლიცია მოწიწებით წესიერებას იცავდა. მაისის 30-ს მოვიდნენ ახლო-მახლო ათონის ეპარქიის ეპისკოპოსნი: ჩენაკალიისა, კვიზიკიისა, ტასოსი და ერისოსი, და მოიკითხეს შევერდომით და მოწიწებით მათი უწმიდესობა. უწინარეს ამათსა იყო მოსრული თესლონიკის მიტროპოლიტი. მაისის 31-ს ყოველნი ათონის მონასტერთ წინამძღოლნი და მოძღვარნი მოვიდნენ და თაყვანი სცეს და ლოცვა-კურთხევა მიიღეს მათი უწმიდესობისაგან. ივნისის 1-ს მოვიდა კონსტანტინეპოლიდამ საგანგებო გემი სულთანის ბრძანებით და რაოდენნიმე დიდნი „ჩინოვნიკნი“ ოსმალეთისა—ამასთანავე კონსტანტინეპოლის უწმ. სინოდისაგან წარმოგზავნილნი ოთხი მიტროპოლიტი, სამი ეპისკოპოსი და ეგრეთვე ერის კაცნი—სინოდის წევრები, და სხვანი ორმოცამდე წარჩინებულნი პირნი. გემი გაჩერდა პირდაპირ ჩვენი ივერიის მონასტრის ლიმენაზე (ნავთსადგურზე) და გადმობრძანდნენ გემიდან მიტროპოლიტნი და სხვანი ყოველნი. და შებრძანდნენ ივერიის მონასტერში და თაყვანი სცეს სასწაულოთ მოქმედსა ხატსა ყოვლად წმიდისა ივერიის ღვთისმშობლისას, და მაშინვე გამოვიდნენ მუნითგან, და მიმართეს პორტისკენ, სადაცა პატრიარქი ბრძანდებოდა. მიტროპოლიტთა პორტა მოვეგება დიდის პატრივისცემით და შეიყვანეს ძველთა-ძველის ათონის საკრებულო ტაძარში, სადაცა მათი უწმიდესობა პატრიარქი იოაკიმე ბრძანდებოდა; და თაყვანი სცეს ხატსა სასწაულოთ-მომქმედსა—ღვთის-მშობლისასა—«ღირს-არსად» სახელდებულსა. მაშინ უპირატესმა მიტროპოლიტმა მიართვა ეპისტოლე კონსტანტინე-



პოლის უწმიდესი სინოდისა და ყოველისა ერისა მორწმუნისა პატრიარქს. და ოსმალეთის სკიპტრის მპყრობელის ნება-რთვით, მათი უწმიდესობა ყვა-ლადვე მიწოდებულ იქმნა პატრიარხად კონსტანტინეპოლის კათედრისა. პატრიარქმა გახსნა მოწერილი ეპისტოლე და სასმენელად ყოველთა წაიკითხა ეკ-კლესიაშიდ. მერმეთ წაბრძანდა პატრიარქი თავის ბინაზედ—თან ახლდენ მიტროპოლიტები, ეპისკო-პოსები და სხვანი მრავალნი ერნი.

იენისის 2-ს, დღესა შაბათსა განისვენეს ყო-ველთა. და შემდეგ ბრძანა პატრიარქმა მეორე დღეს კვირიაკესა წირვის აღსრულება კრებით ძველსა სობოროსა პორტისასა. მაინც ის დღე შეხვდა, რო-მელიც ყოველთა წმიდათა კვირიაკის მეორე კვირას არის დაწესებული საკუთრად ყოველთა წმიდათა ღმერთ-შემოსილთა და მოღვაწეთა საზოგადოდ მთე-ლის ათონისათა ღამის თევით (აღრიპინა) დღესას-წაულობა ეკკლესიის. მაშინ ღამის თევის სადღე-სასწაულოდ მოემზადენ. ჯერეთ მზის დასვლამდის კიდევ ერთი საათი იყო, რომ დაიწყეს ღამის თევის ლოცვა და განგრძელდა თორმეტ საათამდის ღამის თევა და შემდეგ წირვა ზედ მოაბეს. პატრიარქთან თანამწირველნი იყვნენ: ხუთნი მიტროპოლიტნი, შვიდნი ეპისკოპოსნი და სხვანი მრავალი სამღვდე-ლონი და შვიდნი არხი-დიაკონნი. წირვა გაგრძელ-და ოთხ საათ ნახევრამდინ. თითქმის ღამის თევა და წირვა გაგრძელდა თექვსმეტ საათ ნახევრამდე. პატრიარქს ეხურვ თავზედ მხოლოდ მიტრა (ვიზან-ტიის მეფის ნიკიფორესაგან შეწირული წმ. ათანასი ათონელის ლავრაში) ძვირფასი თვლებით საუცხო-ვოდ შემკობილი, მიტრას შუაზე არწივი უზის და ზევით ძვირფასი ბრილიანტებით შემკობილი ჯვარი. მიტროპოლიტნი და ეპისკოპოსნი, ნაცვლად მიტ-რისა, ქუდი-ბარტყულით იყვნენ გამოწყობილნი, როგორც არის საბერძნეთის ეკკლესიის ჩვეულება. აქაც იყვნენ აუარებელი ერნი სასულიერო და სა-ხორციელო. გათავდა წირვა, გამობრძანდა პატ-რიარქი ეკკლესიიდან, მიაწყდა ხალხი კურთხევის მისაღებად, თითქმის გაუჭირვეს გზაზე გავლა, გარნა პოლიციამ დიდი განკარგულება მოახდინა წესიე-რების დასაცველად. აქ იყო ოსმალთა სხვა-და-სხვა სახის დროშები აღმართული და წარწერა ფიცარზე ფრანგული ასოებით: «ირაკიმ III კვალად აღყვა-

ნილ იქმნა პატრიარქად კოსტანტინეპოლის კათედ-რაზედ; აგრეთვე პატრიარქისა და სულთანის სურა-თები იყო დროშებთან. გზაზე იყო მოფენილი დაფნის ფოთლები და სხვათა სუნნელ-მფშველ ყვა-ვილთაგან. აგრეთვე ზემოდ იდგა მრავალი მართ-მადიდებელი ერი და ეკავათ კეთილ-სულნელოვანი ვარდის წყალნი, და ზევიდან აპკურებდნენ მათ უწმიდესობას და სხვათაცა კრებულთა: გალობითა, ქებითა, კეროვნებითა და დიდროანთა ზართა რეკი-თა მიიყვანეს პატრიარქი ბინაზედ და მუნ იქმნა ჩვეულებრივი პატივისცემა. ამის შემდეგ თავ-თავის განსაკუთრებულ ნომრებში წაბრძანდნენ და განის-ვენეს ღამის თევით ნაშრომთა—და საკუთარ გან-სასვენებელში პატრიარქმა. შემდეგ ორი საათის განსვენებისა, ღამზადებულ იქმნა ტრაპეზი (სადილი) საუცხოვო, ვითარცა შეგნოდა მის უწმიდესობას. ნასადილევს კვალად განისვენეს ყოველთა, ვიდრე მეცხრე ჟამამდე. წინათ მეცხრე საათისა იქმნა გან-კარგულება საჯდომთა ჯორებთა აღკაზმისა, რათა გაემგზავრნენ ჩვენის ივერიის მონასტრის ლიმენისა, სადაცა იყო გაჩერებული გემი და მუნცა იყო დიდი მომზადება. მეცხრე საათზე, თათრულის ანგარიშით, კარაიიდან წამობრძანდა პატრიარქი და მობრძანდა ჩვენს ივერიის მონასტერში, სადაცა აუარებელი ურდო ხალხი—საერო და სამღვდელონი მიეგებენ. გზანი და ფოლორცნი დაფენილ იყო დაფნის ფოთ-ლებითა და მფშველთა ყვავილებითა. და გარეშემო ადგნენ სიმრავლე ერთა, და ერთი მეორეს უსწრობ-დენ და შეაიწროებდენ, რათა ვინ უწინ მიიღოს მათი უწმიდესობის მარჯვენისაგან კურთხევა. მონასტრის გალავანში არ შებრძანებულა პატრიარქი, არამედ გარედ იყო მორთულ-მოკაზმული ყვავილებითა მომადლო ფანჩატური, პატრიარქის და სულთანის სურათი და ოსმალეთის დროშანიც აღმართულნი, სადაცა განისვენა თუთხმეტ წამს. და წარმოსთქვა ღმობიერნი სიტყვანი და კურთხევა, და გიხარო-დენისა დამტევებელი წმ. ათონისა ჩამობრძანდა ფანჩატურიდამ და გაეშურა გემისკენ, მაგრამ მეტად გაუჭირდა გზის გავლა, პოლიციის დახ-მარებით მიღწია ნავთ-სადგურს. მადლობა ღმერთს, მ. იონა იქაც შეხვდა მათ უწმიდესობ-ს უკანასკნელ ჟამში და უბრძანა პატრიარხმა: „პაპა იონა! მშვი-ლობით, ჩემს მაგიერ ლოცვა-კურთხევა გარდაეცი

ქართველთა ძმათა, დაწყნარდით და ღმერთი თქვენ — ქართველების საქმეს კარგად წაიყვანსო“. მამა იონამ სიმდაბლით თაყვანისცა მარჯვენაზე ამბორის ყოფით. მერმეთ მოართვეს საგანგებო პატარა ნავი, რომელსა შინა ჩაბრძანდა მათი უწმიდესობა და მოიქცა იმ ნავილამ ჩვენსკენ; გამოგვემწვიდობა სიმდაბლით სამ გზის თავის დაკვრითა, და ჯვარის გამოსახვითა, ლოცვა-კურთხევა გადმოგვცა. მერე მიიყვანეს პატრიარხი გემზე, აბრძანდა მისი უწმიდესობა თავისი მიტროპოლიტებით და კოსტანტინეპოლის უწმიდესი სინოდის წევრებით. მეთე უამის დასასრულში დაიძრა გემი და წავიდა კოსტანტინეპოლისკენ.

ასე მოხდა პატრიარქის იოაკიმ III ს ისევ კოსტანტინეპოლის კათედრასა ზედა მიბრუნება.

ბერ-მონაზონი სიმონ ქართველი.

ჩვენის კორრესპონდენტისაგან გაპოგზავნილ ცნობას საჭიროდ ვრაცხთ დაუმატოთ მოკლე ბიოგრაფია ახლად დანიშნული — კოსტანტინეპოლის პატრიარქის იოაკიმ მესამისა.

პატრიარქი იოაკიმე მესამე დაიბადა 18 იანვარს 1834 წელს კოსტანტინეპოლში. სახელად დაარქვეს ხრისტე. — პირველად სწავლა დაიწყო მან სატახტო ქალაქის სახალხო სკოლაში. აღიკვეცა თუ არა ბერად, ხელ-დასხმულ იქმნა დააკვნად და განწესებულ ბერძენთა მართ-მადიდებელ წმ. გიორგის ეკლესიაში — ვენაში, სადაც მშვენივრად შეისწავლა ნემეცური ენა. 12 ნოემბერს 1860 წ. იქმნა გადმოყვანილი კოსტანტინეპოლში, მეორე მთავარ-დიაკვნად პატრიარქი იოაკიმე მეორის დროს. როცა მისმა პატივისმცემელმა პატრიარქმა იოაკიმე მეორემ უარი განაცხადა პატრიარქად დარჩენაზედ, მან თავი დაანება პატრიარქთან საპატიო თანამდებობას. 10 დეკემბერს 1864 წელსა ღირსმა იოაკიმემ მიიღო სამიტროპოლიტო კათედრა ქალაქს ვარნაში. ცხრა იანვარს 1874 წელსა გადაყვანილ იქმნა თესალონიკეში. 4 ოქტომბერს 1878 წელსა იგი აღყვანილ იქმნა მსოფლიო პატრიარქად. პატრიარქობის თანამდებობაზედ მან დიდი სარგებლობა მოუტანა ქრისტეს ეკლესიას მეცხრამეტე საუკუნის მეორე ნახევარში. მან მშვენივრად იცის თათრული ენა, რუმინისა და ნემეცური ენები. აქვს დიდი სწავლავანათლება ღვთის-მეტყველებისა და ნიქი დიპლო-

მატური. სასტიკად უკრძალავდა სასულიერო წოდებას და ხალხს ბოროტ მოქმედებათა და ამისთვის მრავალ ცირკულიარებს და ეპისტოლეებს ბეჭდავდა. 1880 წელში გამოსცა წეს-წყობილება ბოსნიისა და გერცოგოვინის სამრევლოების შესახებ. 1879 წ. დათანხმდა, რომ სერბიის სახელმწიფოშიდ სასულიერო წოდებას მიცემოდა უფლება თავიანთ საქმეების მართვა-გამგეობისა.

ყველაზედ უფრო შესანიშნავია მის მსახურებაში თავ-გამეტებითი თავის გამოღება და დაცვა ბერძენთა ხალხის იმ უფლებათა, რომელნიც მინიჭებული ჰქონდათ კონსტანტინეპოლის პირველ დამპყრობელის — მაგომეტ II-საგან და რომელიც დამტკიცებული იყო მისი მემკვიდრეებისაგან. სულთანმა აბდულ-გამიდმა 1883 წელში მოითხოვა, რომ ბერძნის მღვდელ-მთავრები და მთელი სამღვდლო და საეკლესიო პირნი მიქცეულიყვნენ საერო წოდების სასამართლოებში და იქ უნდა მომხდარიყო ყოველივე მსჯავრი და განსამართლება მათზედ. ამასთან შეზღუდული იყო ყოველივე უფლებანი მსოფლიო პატრიარქისა. პატრიარქმა იოაკიმე მესამემ არ მიიღო ეს განკარგულება და მოითხოვა სულთანისაგან, რომ გაეუქმებია იგინი. სულთანმა არ შეცვალა თავისი განკარგულება. ამისათვის იოაკიმემ უარი განაცხადა პატრიარქობაზედ 30 მარტს 1884 წელში. უწმიდესმა სინოდმა, რომელიც თანაუგრძნობდა რა პატრიარქ იოაკიმეს, არ აირჩია სხვა პატრიარქი. პატრიარქი იოაკიმე გადადგომის შემდეგ წავიდა ათონში და დაბინავდა წმ. ათანასეს ლავრაში, ივერიის მონასტრის ახლოს. თუმცა იგი აქ დაყუდებულის ცხოვრებას ატარებდა, მაგრამ ყველა პატივს სცემდა; ყველა მართლ-მადიდებელ ბერძენთა თვალი მისკენ იყო, როცა პატრიარქის კათედრა დაიკლებოდა ხოლმე. ალექსანდრიის პატრიარქის — სოფრონის გარდაცვალების შემდეგ, 22 აგვისტოს 1899 წელს. ალექსანდრიის სამწყსო მიიქცა იოაკიმესადმი თხოვნით, რომ მიეღო პატრიარქობა და დაეკავებია წმ. მოციქულის მარკოსის ადგილი, მაგრამ იგი არ დათანხმდა. დღეს, როგორც ყველამ იცის, იგი ისევ დაუბრუნდა წმ. იოანე ოქროპირის ტახტს, მიიღო რა მიწვევა მთელი კოსტანტინეპოლის ეკლესიისა, რათა დაიკავოს მან ფრიად ძნელი და მძიმე პასუხის საგებელი ადგილი მსოფლიო პატრიარქისა. მთელი კოსტანტინეპოლის საპატრიარქო აღტაცებით ეგებება მის პატრიარქად დანიშვნას და ჩვენც, საცოდავ ქართველებს, რომელთა მდგომარეობა ცოტათ თუ ბევრად ცოდნია მას, გვეკუთვნის სიხარული ამისთანა კეთილი კაცის პატრიარქად დანიშვნისა გამო.

დკ. დ. ღამბაშაძე.



## ყოველი სული აქებდით უფალსა.

(ზაფხულის დღეა)

ვიწი! რა საამური დილაა! რა სასიამოვნო სანახობაა! რა ყურთა სმენის დამტკობი ხმები ისმის! ირგვლივ შემოზღუდული გორაკები, შუაში მწვანე ხავერდის მსგავსი მიფენილ-მოფენილი ბუჩქნარ-კორდები თვალს იტაცებენ. ათას გვარი ხეები, მათ თავებზე უცხო გვარად, ურიცხვ ფერადებათ აჭრელებული ყვავილთა თაიგულები და ბალახები სასიამოვნო სუნსა ჰფენენ არე-მარეს. ადამიანთა ფეხის ხმა მიღუმებულისა, რადგან განთიადს ღამის სიწყვიდად ჯერ კიდევ არ გაუფანტავს. აღრეა, ჯერ კიდევ ცისკრის დროც არ არის და ადამიანს, უფლისგან პირდაპირ გადმოცემული ლოცვა „მამაო ჩვენო“ არ წარმოუთქვამს სადიდებლად თვისის შემოქმედისა და თვისდამი შვიდი თხოვნის დასაკმაყოფილებლად. ირგვლივ გორაკები, თვალ-უწვდენელ კედლებს წარმოადგენენ და ქვეყანა წმიდა სადიდებისმეტყველო ტაძრად შექმნილა; ზეცა მადლიდგან დიდებულ გუმბათად წამომდგარა; ურიცხვნი ვარსკვლავთა კრება წმიდა ლამპრებად ანათებენ და ეს დიდებული ტაძარი ცისკრის სალოცავად არის მოწყობილი... აქ არა სჩანს არც შემოსილი მღვდელი, არც მთავარ-დიაკონი და არც ჩვეულებრივი მკალობელთა გუნდი. აქ შეყრილა მთელი ქვეყნის მფრინველთა გუნდი, დაუსწრია ადამიანისთვის და განთიადისას ცისკარს ლოცულობს! მათი მწყობრი, შეხმატკბილებული გალობა ადამიანის ყურს ენით გამოუთქმელ სიამოვნებით ატკობს! თუმცა ჯერ კიდევ მშიერი კუჭი აქვს ამ განთიადისას, მაგრამ საქმლის საძებრად არ მიივლტიან, არ ეჩქარებათ; ლოცვად სდგანან და შემოქმედს უგალობენ ათასგვარ ხმებზე დაწყობილს სძილის-პირებს! ამჩნევ, რომ მათი ლოცვა წმიდაა, უმანკო და გულში სიამოვნება გიღვივის; შენატრი მათს სიწმიდეს, მათს უმანკობას და გული გითქვამს, რომ შენც ასე წმიდა იყო წინაშე შემოქმედისა; მაგრამ ამაოდ! ადამიანს ძლივს-ძლიობით რვა ხმაზე აქვს დაწყობილი ღვთის სადიდებელი გალობა; მფრინველთა კი ათასს ხმებზე დაუწყვიათ. ადამიანთა გული ათას გვარ ბიწით აღესილა და ლოცვის დროსაც ვერ

ახერხებს, რომ წინაშე შემოქმედისა უმწიკვლო გულით წარსდგეს და ისე ილოცოს, ვერ იშორებს გულიდგან სიმწიკვლეს! მფრინველთა გულნი კი წმიდათა წმიდაა, უცოდველი! ადამიანი დაწოლის დროს ჰფიქრობს: დილას რა გვარად მოაწყოს კუჭის საზრდოსთვის მუშაობა და ასში ერთი თუ მოიგონებს, რომ „მამაო ჩვენო“ მაინც არის ილოცოს! მფრინველნი კი თითქოს ერთი მეორეს მოლაპარაკებოდეს: დილას ერთად მოვიყაროთ თავი და ერთად ვილოცოთო. ნამდვილ ცისკრის დროს, ყველა ერთად შედგომიან ლოცვას და შემოქმედს უგალობენ ათასს-გვარს ხმებზე, ტკბილად დაწყობილს სადიდებელს „პარაკლისს“! აქ გაგონდება: სასულიერო მგოსანი დიდი წინასწარმეტყველი დავით უსათუოდ ამ სანახობით გატაცებული იტყოდა: „ყოველი სული აქებდით უფალსა.“ კურთხეულ არს, უფალო, შენი დიდებული სახელი! ყოველს შენს ქმნილებაში ცხადათ სჩანს შენი უცვალელობა, შენი სასწაული, შენი უკვდავ-ქმნილი განაჩენი! ყოველი შენი ქმნილება უცვლელად ასრულებს შენს განჩინებას ვარდა შენგან ხატად და მსგავსად შექმნილი არსებისა. „ყოველი სული აქებდით უფალსა“ — ამბობს წინასწარმეტყველი და აქებს კიდევაც ყოველი სული. ჩვენ კი, ადამიანები კრიჭაშა ჩავდგომივართ ზეციურ მცნებას და თითოეული მცნების დასარღვევად, საკუთარი ჩვენგან შედგენილი ათასი უკულმართი მცნება დაგვიმარხავს სულსა და გულში: შეგვისისლხორცებია: შური, მტრობა, ერთმანეთის სიძულვილი, ღალატი, ვერცხლის მოყვარება, დიდების მოყვარება, უსამართლოება, ტაცება, პირში ფერება, პირს უკან ზრახი, გაუმაძღრობა, სხვისი დაცინვა, თავის-თავის არ დაკვირვება, თავის თვალში „ღვირვს“ დაუნახაობა, სხვის თვალში ბეწვის ძებნა, კეთილის არა ჰქმნა, სიცუდის მსწრაფლად მითვისება და სხ. და სხ...

„ყოველი სული აქებდით უფალსა“ და აი ამ მაქებელთა შორის კი, ჩვენ ვითომც და პირველი ადგილი გვიჭირავს, როგორც უფლის ხატად შექმნილს პირმეტყველს ცხოვარს! შეგვინდევ, უფალო, ჯიუტობა და დარღვევა შენის მცნებისა!

კაცი სიკვდილმდე ვერა გრძნობს  
 არარაობას თვისსა,  
 სიკვდილის დროსაც არ იტყვის:  
 რად ვითვისებდი სხვისასა!

მოკვდავ ხორცისთვის ნაძარცვი  
 სიმდიდრე, ნაწვავ-ნადაგი,  
 მოკვდება, აქვე დასტოვებს  
 სული დარჩება ლატაკი.

არ ახსოვს, ამა სოფლისა  
 წარმავალია ყოველი.  
 უკვდავი მხოლოდ სულია  
 ნათლით მოსილი ცხოველი.

რ—ს—ლი.

სოფ. მუხურა  
 29 მაისი 1901 წ.

### კანონი და სიმართლე.

საზოგადოების სხვა და სხვანაირი უფლებბრავი დამო-  
 კიდებულება.

კაცი ღვთისაგან დადგენილ არს ორი სამყა-  
 როის—ხილულისა და უხილავის, არსებითისა და  
 სულიერის საზღვარზედ; ცხოველურ სხეულში  
 კაცი ატარებს ანგელოზისებურ სულს. თვით უმა-  
 ლესი და კეთილშობილური მისი მისწრაფებანი  
 მხოლოდ მაშინ ფასდებიან, როდესაც იგინი გან-  
 ხორციელდებიან საქმით. ეს მისწრაფებანი მიუხე-  
 დავად მათი ღირსებისა, ხდებიან სასაცილონი,  
 როდესაც იგინი სისრულეში არ მოდიან. ამიტომ  
 გარეგან მხარეს ადამიანის მოქმედებისას ყოველ-  
 თვის ექცეოდა განსაკუთრებითი ყურადღება: კაცს  
 აფასებენ ხოლმე მისი საქმეების მიხედვით. ამიტომ  
 ადამიანის ცხოვრება ყოველთვის ემორჩილებოდა  
 და დღესაც ემორჩილება გარეგან განსაზღვრულ  
 კანონებს. საზოგადოებრივი განვითარების ყოველ  
 საფეხურზედ როგორც ველური კაცის ოჯახში,  
 ისე მაღალ-კულტურულ სახელმწიფოებში თქვენ

ხედავთ კანონების კრებულს, დაწერილებს ან და-  
 უწერელს, რომელიც საზოგადოების ყოველი წევ-  
 რისთვის სავალდებულოა. ეს ვალდებულება, რო-  
 გორც შემზღუდველი ყოველი პიროვნების კერძო  
 სურვილებისა, იწვევდა წინააღმდეგობას ან რაიმე  
 ცუდი საქციელის ჩადენით, კანონის დებულებათა  
 დარღვევით, ან არა და მოსაზრებული, სისტემა-  
 ტიური უარ-ყოფით და დარღვევით იმ საფუძვე-  
 ლისა, რომელზედაც მტკიცედ სდგას ყოველი  
 საზოგადოება, ან არა და უფლებბრავი წეს-წყობი-  
 ლების თეორეტიული უარ-ყოფით. ზოგიერთ უმა-  
 ნიურ მოსაზრებათა გამო, როგორც არის მაგა-  
 ლითად მოძმეთა კეთილ-დღეობაზე ზრუნვა, რომ  
 იგი არ შეაფიწროვო და არ შეაწუხო. ხშირად  
 ასეთი წინააღმდეგობანი ისეთი გულწრფელობით  
 არიან ხოლმე გამოწვეულნი, რომ უნებლიედ  
 იბადება კითხვა: აქვს თუ არა უფლება საზოგადო-  
 ებას, რომ რომელიმე თავისი წევრი ასე შებოჭოს  
 კანონებით? ასეთი კითხვა იბადება იმის გამო,  
 რომ თანამედროვე მოქალაქობრივი ურთიერთობა  
 იმდენად რთულია, რომ იგი არამც თუ აიძულებს  
 კაცს დამორჩილდეს ამ შეზღუდვას, არამედ იძუ-  
 ლებულ ჰყოფს შეზღუდოს სხვაებიც—ხან სალდა-  
 თათ ყოფნის დროს, ან როგორც „ჩინონიკმა“,  
 ან როგორც მსაჯულმა. ამნაირი კითხვის გარდა-  
 წყვეტა შეიძლება მხოლოდ მაშინ, თუ ყოველის  
 მხრით განვიხილავთ საზოგადოებას და ამ საზოგა-  
 დოებაში თვითოეული კერძო წევრის მნიშვნე-  
 ლობას.

ოჯახის და საზოგადოების საჭიროება ადამიანის  
 ცხოვრებისათვის.

თითონ ადამიანის გაჩენისათვის საჭიროა „სა-  
 ზოგადოება“ ქმრისა და ცოლის, რომელსაც ეწო-  
 დება ოჯახი. ადამიანი ისეთი სუსტა იბადება ქვე-  
 ყანაზედ, რომ ის უსათუოდ დაიღუპება, თუ მას  
 მოაკლდა ოჯახის მოვლა და მფარველობა. ახლად  
 დაბადებულის გონება დარჩება განუვითარებელი,  
 რომ მახლობელი წრე არ აწვითარებდეს მას თვი-  
 სი აზრებით, რომლებსაც ისინი ბავშვის ლულ-  
 ლულს შეუწყობენ ხოლმე. წარმოიდგინეთ ადამი-  
 ანი, დღიდგან მისი დაბადებისა, მოკლებული გო-  
 ნიერ არსებათა წრეს და წინა თაობის გამოცდი-  
 ლებას. მას მთელი თავისი ცხოვრება უნდა მოენ-

დომებია, რომ გამოეგონა ცეცხლის ხმარება, შვილდ-ისრის მოწყობა ან თიხის ქურქლის კეთება. ასეთ გაუწვრთნელს ველურიც კი დიდ ბუნებისმეტყველად (და ფილოსოფოსად ეჩვენებოდა. კაცურ ლაპარაკსაც კი ვერ ისწავლიდა, რადგან ვერავის გაუზიარებდა თავის აზრებს. ვერასოდეს იგი ვერ გაიგებდა ზნეობრივი ცხოვრების არსებობას, რომელიც იბადება გონიერ—თავისუფალ არსებათა ერთობისაგან, თუ პირველ დღიდგანვე არ უგრძნია სიტკბოება დედის განუსაზღვრელი სიყვარულისა, მოკლებული ყოფილა ქვეშაობის ზრუნვას მის გარშემო მყოფთაგან. ასე განუვითარებლად რჩებიან მხედველობის ორგანოები ქვეშაობის პირუტყვთა. კაცი თითქმის თვისი არსებობის უმეტეს დროს საჭიროებს ოჯახის მოვლას, სანამ თითონ არ ისწავლის ცხოვრების მოთხოვნილებათა დაკმაყოფილებას.

თვითონ ოჯახის არსებობაც შეუძლებელი იქნებოდა, თუ მოზდილი წევრები არ არჩენდნენ და არ იცავდნენ პატარებს და სუსტებს; თუ ესენიც თავის მხრივ არ დაემორჩილებოდნენ დიდებს, რომელნიც იცავენ პატარებს ფიზიკური ხიფათისაგან, როგორც მაგალითად: ვაცივებისა, დაწვისა ან მოწამვლისაგან. ოჯახის მთელი ცხოვრება იმაზეა მიქცეული, რომ უფროსების ხელმძღვანელობით და მხედველობით იზრდებოდნენ პატარაები. აი სად არის სათავე ყოველგვარი უფლებისა, რომელიც ძალადობრივი ზომებით იცავს კაცის ცხოვრებას და საკუთრებას. ზრდასთან ერთად ადამიანის ცხოვრება რთულდება. იბადება და რთულდება მრავალი საჭირ-ბოროტო კითხვები, რომელთაც იწვევს ხილული ქვეყნის სხვადასხვა მოვლენათა თვისების, მიზეზების და მდგომარეობის შეტყობა და რომელ კითხვათა გადაწყვეტას კაცს არ შეუძლია მიწვედეს „საკუთარი მოსაზრებით“. მხოლოდ წინა თაობის და მრავალი პირის გამოცდილება აძლევს აღმოცენების საშუალებას მეცნიერებას, ხელოვნებას და მრეწველობას. მხოლოდ რამოდენიმე ოჯახის კავშირი ჰქმნის დიდ ძალას გარეშე მტრისგან დასაცავად. ოჯახი დიდი ზრდის შემდეგ წარმოადგენს ტომს, ტომი კი რთული ორგანიზაციის შემდეგ წარმოადგენს სახელმწიფოს. ოჯახის უფროსებიდან და პატრიარქებიდან უფლება გადადის კერძო პირების ხელში:

იმ კერძო პირების ხელში, რომელთაც ან ირჩევენ, ან დარომლებიც ძალით მოიპოვებენ ასეთ უფლებას. მაგრამ მიზანი იგივე რჩება: ყოველი პირის ცხოვრების და ქონების დაცვა და ზნეობრივი განვითარებისათვის საშუალების მიცემა. მოციქული გვიბრძანებს ვილოცოთ „მეფეებისა და ყოველთა უფროსთათვის“, რომლებიც იცავენ ჩვენ პიროვნულ და ქონებრივ წესიერებას, «რათა მშვიდობით და მყუდროებით ვსცხოვრობოდეთ ყოველთა ღმრთის მსახურებითა და სწიმდითა (ა ტიმ. 2, 2). და აი ამა მხრითაც სახელმწიფო არის საღმრთო დაწესებულება. კეთილ-დღეობის დასამყარებლად ღმერთმა წარდგინა შემდეგ აღუთქვა ნოეს: ვინც კაცის სისხლს დაღვრის, იმავე ადგილას მისი დაიქცევა, რადგანაც იგი არის შექმნილი მღვთის ხატად (შექმნა IX, 6).

რასაკვირველია, რომ ვინც ჩვენ გვიცავს, იმას უჯერით და მის სასარგებლოდ ვსწირავთ ზოგიერთ ჩვენ სურვილებს. თუ ჭკუა საზოგადოდ იმდენია, რამდენიც თავი, მაშინ, რასაკვირველია, ჭკუაზედ უფრო ბევრი სურვილი იქმნება. ეს სურვილები მთელს მილიონს მოქალაქეთ სულ სხვადასხვა ნაირი აქვსთ. ისტორიაში მოხსენებულნი არიან ისეთი ადამიანები, რომელნიც სიამოვნებდნენ დიდი ქალაქის დაწვით ან სასიამოვნო სანახადად მიაჩნდათ, როცა მხეცები გლეჯდნენ ადამიანთა კარვებში. ისეთი პირნიც იყვნენ, რომელთაც სურდათ თვისი მოყვასნი გაეხადათ თავის სიამოვნების და თვით-ნებობის საგნად, მხოლოდ მონებით კი ესარგებლნათ, როგორც უნო პირუტყვებით. საკმარისია მკირვოდენობა ასეთ გრძნეულ გვამთა, რომ დანარჩენი საზოგადოების უმეტესობის ცხოვრება აუტანელი გახლდეს და ყოველი საზოგადოება დაიშალოს. და აი, სახელმწიფო ლაგმავს თავის წევრებს: რომ თვითულმა შეიკავოს თავი ასეთი სურვილებისგან, რამდენადაც ეს სურვილები ავნებენ სხვის პიროვნებას, სამაგიეროდ სხვისგანაც ისარგებლოს—რომ სხვაც არ შეეხოს მის ინტერესს. აქ თავისუფლების შეზღუდვა კი არ იქონიება სახეში, არამედ უზრუნველ-ყოფა ყველა მოქალაქეთა თავისუფლებისა, რის გამოც დაფარულ იქნება საზოგადოების ყველა არსებობაც.

კანონების ზნეობრივი საფუძველი.

კანონი—თვისი არსებობის დაგვარად შეიცავს თავისუფლებას. კანონი ეხება იმათ, რომელთაც შეუძლიათ როგორც მისი აღსრულება ისე დარღვევაც. „მართალსა სჯულ არ-უძს, არამედ უსჯულოთა და ურჩთა და უმსახურებელთა და ცოდვილთა“ (1. ტიმ. I, 9). ისეთებისთვის, რომელთაც არ შეუძლიათ თავისუფლების მოხმარება, ავთმყოფობისა, ან პატარაობისა გამო, კანონი კი არ არის დადგენილი, არამედ მზრუნველობა. ამაშია მთავარი განსხვავება კაცობრიული კანონებისა ბუნებრივიდან, რომლებიც წარმოდგებიან საჭიროებისაგან. ბუნებრივ კანონს ყოველთვის აქვს განსაზღვრული წრე, რომელშიდაც ის მოქმედებს, კაცობრიული კანონი კი განსაზღვრავს მარტო იმას, რაც შემდეგში უნდა იქმნეს შესრულებული. კანონი მარტო გარეგნად კი არ ეხება ზნეობას, არამედთვისი შინაარსითაც. თვითონ კანონი ექვემდებარება სიმართლის მხრივ შეფასებას, შეთანხმება კანონისა სიმართლესთან იწოდება სამართლიანობად. წაართვით იმას ზნეობრივი საფუძველი, და დაუტევით მხოლოდ ვალდებულება ყველასათვის და უფლებას ნუ განარჩევთ კერძო ნახტომებისგან, მაშინ კანონი გადიქცევა უკანონობად. უფლებრივი თანასწორობა—გახლავსთ ზნეობრივი, იმას გარეთ იგი კარგავს თავის მნიშვნელობას. მართალი ის კი არ არის, ვინც ყველას აგინებს, არამედ ის, ვინც ყველასაგან შესაფერის მოქმედებას თხოულობს; ის კი არა, ვინც ყველას უარს ეუბნება ვალის გადახდაზედ, არამედ ის, ვინც ყველას თანასწორად აძლევს ვალს. ეგვიპტის ფარაონის უქაზი—ბავშების გაუღეტის შესახებ იმიტომ არ გახდა იმაზედ სამართლიანი ვინაიდან ყველა ებრაელებისათვის თანასწორად სავალდებულო იყო და არა ზოგიერთებისთვის მარტო. სამართლიანია მხოლოდ ერთობა და შესაფერისი შეზღუდვა; მხოლოდ რა არის რიგიანი და რა არა—ამას გაარჩევს სვინილისი.

(დასასრული სქება)

«მწუხმისი» კორკმსკონდენცია.

(რაჰის მაზრიდან)

მაისისთვის დამღევს, ნაშუადღევის მეოთხე საათზე, საშინელი სეტყვა მოვიდა ჩრდილოეთის მხრით. სეტყვა კაი ბერძნული თხლისკაკლის ოღენა იყო; სეტყვამ იმ ზომამდე გააფუჭა მოსავალი: პური, სიმინდი და ვენახები ღვიარაში, ბოსტანაში და ჩორჯოში, რომ სოფელ ბოსტანას გლეხებმა დახნეს ის ადგილები, სადაც შემოსული პური იყო და საადრო სიმინდი დათესეს. ხალხის კენესას და ოხვრას საზღვარი არა აქვს. უსწავლეღმა ხალხმა ეს უბედურება დააბრალა აბრეშუმის ქიას, რომელიც ბოსტანაში ორ-სამ გლეხს ჰყავდა. ხალხი აუხირდა აბრეშუმის ქიის პატრონებს და უშვერი სიტყვებით სწყევლიდა მათ. თუმცა აქაური შტატ-გარეთი მოხუცი მღვდელი ა. შ. უმტკიცებდა ხალხს, რომ ეს უბედურება ჩვენი ცოდვების მიზეზია და არა აბრეშუმის ქიისო, მაგრამ გაბრაზებულმა ხალხმა არაფერი გაიგონა. აბრეშუმის ქია ვისაც ჰყავდა, მოსპვს, რადგან ხალხის წყევის შეეშინდათ. მაგრამ წარმოდგინეთ, რომ ხალხს ვერ უშველა აბრეშუმის ქიის მოსპობამ. ამთვის 14, დილით ადრე პირველზე უარესი სეტყვა მოვიდა. რაც პირველ სეტყვას გადაჩა, ის ამ მეორედ მოსულმა სეტყვამ გაანადგურა, და გაანადგურა არა თუ მარტო ბოსტანაში, ღვიარაში და ჩორჯოში, არამედ სადმეღში და მის ზემოთ სოფლებში და საწულიკიძეოში—რიონ გღმა. რომელ სახლსაც ფანჯრები დასავლეთის მხრით ჰქონდა, სულ დაღეწა. კახის ანუ სეტყვის გროვა ორ-სამ დღეს ეყარა მიწაზედ გაუმდნარი; ამ სეტყვის წყალობით სრულიად მოესპოთ საზრდო სოფ. ღვიარას და ბოსტანას მცხოვრებთ. მთავრობამ განკარგულება მოახდინა, დაზარალებული სოფლები ასწერეს და შეიძლება რამე ნუგეში მოუვიდესთ. მაგრამ პირუტყვი რითი გამოკვებონ ამ ზამთარში, ეს კი აღარ იციან საწყლებმა.

მ. ა. შ—ძე.

საფუძველი  
ისე მაღალ-კა

**შურნალ-გაზეთებიდან.**

„მოსკოვ. ვედომ.“ ეხლა გერმანელთ ეცნენ. გაზეთი სწუხს და სჩივის იმის გამო, რომ რუსეთის დასავლეთ საზღვარზე გერმანელები სცხოვრობენო. კატკოვისეული გაზეთი აფრთხილებს მთავრობას და ამბობს, რომ საშიშია სახელმწიფოსთვის, რომ მის საზღვარზე არა რუსები სცხოვრობენო. ხოლო რადგანაც თითქმის ყველა განაპირა ადგილებში არა რუსები სჭარბობენ, „მოსკოვ. ვედომ.“-მა უნდა მოითხოვოს ყველა არა რუსთა გადასახლება თავიანთ მიწა-წყლიდან. ასე გამოდის ლოლიკით!

„დასავლეთის საზღვარზეო, სწერს გაზეთი, გერმანელი მეტი სცხოვრობს, ვიდრე რუსიო. უმთავრესად ეს ასეა პოლონეთში და ბალტიის მხარეში. პოლონეთის ათ გუბერნიაში ათას რუსზე 1040 გერმანელი მოდის; ხოლო ბალტიის მხარეს ათას რუსზე 2000 გერმანელი მოდის“.

მერე, რა არის გასაკვირველი, რომ ბალტიის მხარეში, გერმანელთა ძველის დროის სამფლობელოში, გერმანელთა რიცხვი მეტია?! არაფერი, მაგრამ იქვან გაზეთს ყოველგან მტერი ეჩვენება და მოუსვენრად არის.

„ჩვენ არა გავიკვირდებოა, ამბობს ამის გამო გაზეთი «ნოვოსტი», რომ «მოსკ. ვედომ.» მალე მიაქცევენ მთავრობის ყურადღებას იმაზე, რომ ფინლიანდიაში ფინნები სცხოვრობენ, პოლონეთში პოლონელები, კავკასიაში ქართველები, პოლტავაში მალოროსები და სხვა. სჩანს, მოსკოვის გაზეთს ჰსურს, რომ არა რუსი აღარ ცხოვრობდეს რუსეთის იმპერიაში, არამედ გადასახლებულ იყოს საღმე ცის სივრცეში».

\* \*

როგორც «Times»-ის ლონდონელი კორრესპონდენტი იუწყება, სახელმწიფოთა მიერ დანიშნული თანხა სამხედრო საზღაურისა ნამდვილს ჯამს თურმე არ წარმოადგენს იმისას, რაც ჩინეთმა სახელმწიფოთა სასარგებლოდ უნდა გაიღოს, რადგანაც სახელმწიფოთა აზრად თურმე არა აქვთ აქედან უკვე წაღებული და მითვისებული ჩინეთის სიმდიდრე გამოირიცხონ. ასე, მაგალითად, გერმანელებმა რომ ფიზიკური ობსერვატორიის მოწყობილებანი წაიღეს, ეს არად ჩაუთვალეს და არ უნაგარიშეს, აგრეთვე რუსებმა რომ სიმდიდრე

და ბიბლიოთეკა წაიღეს, იმას არ უთვლიან ჩინელებსა; საფრანგეთიც, მაგალითად, \$720,000 გირვანქა სტერლინგსა თხოულობს კათოლიკეთა დანგრეულ მისსიების საზღაურად, მაგრამ მისიონერთაგან უმეტესობამ უკვე მიიღო საზღაური, რადგანაც შეშინებულნი შეძლებულნი ჩინელნი და მოხელენი მაშინვე იხდიდნენ თურმე ზარალის საზღაურს, ოღონდ სიაში ნუ ჩაგვწერთ და მოკავშირე სახელმწიფოთა ჯარებს ჩვენს სოფლებსა და სახლებზედ ნუ მიკუთითებთო. ექვი არ არის, მისიონერების ასეთი საქციელი ჩინელებს არაფრად მოსწონთ და მათდამი სიძულვილს მხოლოდ აორკეცებს, რაიცა მათი ხსოვნიდგან დიდხანს არ აღმოიფხვრებაო. პროტესტანტთა მისსიების ზოგიერთმა წარმომადგენლებმაც მოისურვეს ასრე მოქცეულიყვნენ და ჩინელებისათვის მეტი დაეცინულათ, მაგრამ საზოგადოების აზრისა შეეშინდათ და განზრახვა აქვთ, რაც-კი ამ გზით ჩუმად წაუღიათ, ყოველივე გამოაქვეყნონ და საზღაურის საზოგადო თანხიდგან გამოირიცხონო. კარგია, ამათ მაინც უსინიდისნიათ!

\* \*

„Ostasiat Lloyd“-ში სათაურით: „დასასრულს ველირსეთ თუ არა?“ წერილია დაბეჭდილი, რომელშიაც ნათქვამია: „ამ ორმოცის წლის განმავლობაში ევროპასთან დამოკიდებულებიდგან ჩინეთმა ერთობ ბევრი ისარგებლა და ბევრი რამ ისწავლა, მაგრამ თითონ ევროპიელებმა-კი იოტის ტოლათაც კი ვერა ისარგებლეს რა და ვერა ისწავლეს რაო. ჩინელები დაპირებით ბევრსა ჰპირდებოდნენ ევროპიელებსა, მაგრამ ასრულებით კი არაფერს უსრულებდნენ და იმითი ხელმძღვანელობდნენ ამ შემთხვევაში, რომ ყველა სახელმწიფოს თავისი დაფარული აზრი და წადილი აქვს და შეუძლებელია ამის გამო ერთმანერთთან შეთანხმებითა და მხნედ დაიცვან თავიანთი ინტერესებიო. ამიტომაც ძალიან ადვილია ერთი მეორეს მივუსიოთ, გადავემტეროთ, მათი საერთო მოქმედება მთლად დავცაროთ და არარაობათ ვაქციოთო. სამწუხაროდ, უნდა შევნიშნოთ, რომ ჩინელები ამ მხრივ მართლები არიან და იგივე დამტკიცდა ამ ბოლოს დროის ამბებით, რამაც ჩინელებს რწმენა და იმედი ერთი ორად გაუმტკიცა. ჩინელები, ექვი არ არის, ჩუმ-ჩუმად იცინიან, როდესაც ჩვენს შორის განხეთქილებასა ჰხედვენ და მხოლოდ მოხერხებულს დროს უცდიან, რომ ჯავრი როგორმე იყარონო, სწერს გაზეთი“.



### ახალი ამბები და შენიშვნები.

საკვირველია ჩვენი თავად-აზნაურების საქციელი. მთელს რუსეთს პატივობენ სეკდემბრისთვის და ჯერეთ კიდევ გარდაწყვეტილი არა აქვსთ რა. „კვირას, 24 ივნისს, როგორც „ივერია“ გვატყობინებს, განსაკუთრებულ კომისიას, ტფილისის გუბერნიის თავად-აზნაურთა წინამძღოლის თანამდებობის აღმასრულებლის ი. ვ. საგინაშვილის თავმჯდომარეობით, სხდომა ჰქონებია საქართველოს რუსეთთან შეერთების ასის წლის შესრულებისა გამო დღესასწაულის მოწყობის შესახებ მოსალაპარაკებლად. კრებამ, რომელსაც დაესწრნენ აგრეთვე ქუთაისის თავად-აზნაურთა მიერ არჩეული კომისიის წევრნი, დაადგინა, დანიშნოს ხელმეორედ კვირას, პირველ ივლისს, ტფილისის და ქუთაისის საიუბილეო კომისიების შეერთებული სხდომა დღესასწაულის მოწყობის საქმის საბოლოოდ გადასაწყვეტად.

\* \* \* მომავალ გამოფენაზედ გასართობების მოწყობის საქმე ორის თვის განმავლობაში დაახლოვებით გამოანგარიშებულია: საზანდარი—800 მან., დუდუკი—400 მან., მესტირე—50 მანეთი, მომღერალთა გუნდი და ცეკვა—1,500 მან., რუმინელთა და იტალიელთა ორკესტრი—1000 მან., სიმებიანი ორკესტრი—3000 მან., რუსთა გუნდი—2,000 მან., შანსონეტები—1000 მან. ნეტავი ეს ხარჯი შემოვა?

\* \* \* მომავალ სამოსწავლო წლიდგან ქუთაისის რეალურ სასწავლებელში გახსნილი იქმნება ზოგიერთის კლასის პარალელური განყოფილება.

\* \* \* რამდენი ფული იხარჯება საზედაშე ღვინის სასყიდლად რუსეთის იმპერიაში? „საეკლესიო მოამბეში“ არის დაწვრილებითი ანგარიში იმის შესახებ, თუ რამდენი ფული იხარჯება საზედაშე ღვინის სასყიდლად რუსეთის იმპერიაში—ერთი წლის განმავლობაში. საზედაშე ღვინის ხარჯი უდრის მილიონ ნახევარ მანეთს.

როგორც უწმიდესი სინოდის უქვეშევრდომილეს ანგარიშებიდან სჩანს, 1897 წელში მთელს იმპერიაში ყოფილა 723 საკრებულო ტაძარი, 2182 ათასი მონასტრის ეკლესია, 1825 ათასი სასახლის,


4608 ეკლესია ზედ-მიწერილი, 4162 ათასი სასახლა-ფლაოსი და 256 ერთ-მორწმუნეთა დასრულიად 48,161 ათასი. თითოეული ბოთლი ღვინო უნგარიშნიათ 90 კ. და ამ ანგარიშით გამოდის, რომ მილიონ ნახევარი მანეთის ღვინო დახარჯულა ამ წელში.

\* \* \* თბილისის ფოსტა-ტელეგრაფის კანტორას წარსულ წელში ჰქონია შემოსავალი 417,052 ათასი მანეთი, ხოლო ხარჯი 166,945 მანეთი. აქედამ გამოდის, რომ წმინდა მოგება დარჩენილა 250,107 ათასი მანეთი. რასაკვირველია დიდი სარგებლობა დარჩება, თუ იმისთანა ფოშტის კანტორები იქონია სხვა და-სხვა ადგილებში, როგორც არის ყვირილის ფოშტის კანტორა. ყვირილაში ფოშტა-ტელეგრაფის კანტორა გახსნეს ისეთ სახლში, სადაც ხალხის დასადგომი ზალა არის სიგრძით ორი არშინი და სამი ჩარქეი, სიგანით ორი არშინი!.. ამ პატარა ოთახში იღრჩობა ხალხიც და მოსამსახურენიც და გამკითხავი არავინ არის...

\* \* \* „ივერიაში“ ვკითხულობთ: საქართველოს საეკლესიო მუზეუმს მოუვიდა ამ დღეებში ჩვენი მეისტორიის თ. ყორდანიასაგან ასზედ მეტი ხელნაწერი, რომელთა შორის ერთი პოლიმესტია (ძველი ნაწერი ტყავი გადარეცხილი და ახლად დაწერილი).

\* \* \* უწმ. სინოდის განკარგულებით, საქართველოს საეპარქიო სასწავლებელთა საბჭოს გაგზავნა 3000 მანეთის ღირებულობის წიგნი საეკლესიო სკოლებისათვის დასარიგებლად; ამას გარდა, საბჭოს ფულად მიეცა 3000 მან. სასწავლო საგნებისა და ნივთების შესაძენად იმავე სკოლებისათვის.

\* \* \* ამას წინეთ ჩვენ ახალ-ამბებში შეცდომით გვქონდა დაწერილი: „ბ. თოფურიას საავადმყოფოში ბოროტ-გამზრახველებმა «კასა» გააღეს და ფულები წაიღეს, რომელი ვასადებიც ბ. კასირმ—ძეს მოპარეს ჯიბიდან“. როგორც ეხლა გამოირკვა, საქმე სულ სხვანაირად ყოფილა: ამ სამი წლის წინეთ ხსენებული კასა შესაკეთებლად ყოფილა ფ. ვ—ძის ქარხანაში, სადაც ერთ თავ ოსტატს გაუკეთებია ვასადები. და აი, იმ დროს, როცა ბ. თოფურია საზღვარ-გარეთ წავიდა და კასაშიც ფულები კარგა ბლომად ეგულვებოდათ, გაბრიყვებულა ერთი იქვე მოსამსახურეთაგანი და ჩაუდენია ქურდობა, რაც უკვე იციან ჩვენმა მკითხველებმა.



# სახელმძღვანელო, საყურადღებო, საჭირო და სასარგებლო ცნობათა განყოფილება.

## საეჭვო კითხვების განმარტება.

კით. როგორ უნდა იწერებოდეს საეკლესიო საბუთებში კაცი, განსაკუთრებით გლეხთაგანი, რომელსაც შეუსრულებია სალდათის სამსახურის ვადა და შინა სცხოვრობს? ასეთი პირი გლეხად უნდა იწერებოდეს, თუ სათადარიგო ჯარის კაცად, რადგან მან, თუმცა გაათავა სალდათად მსახურების დრო, მაგრამ ორმოცდახუთ წლამდე მაინც გაწვეულ იქნება ომიანობის დროს?

მიგ. სიტყვა სალდათი წოდება არ არის. სახელმწიფო ბეგარაში სამსახურის დროს ყოველი კაცი იწოდება „მდაბალ მოსამსახურედ“ და არა „გლეხად“. როცა რომელიმე პირი ხუთი წლის სამსახურს შეასრულებს, მერე აღიარებითი სი-აში უნდა იწერებოდეს იგი «სათადარიგო მდაბალ მოსამსახურედ». ყოველ ადგილას ამ წოდებით უნდა იწერებოდეს, აგრეთვე, ასევე უნდა იწერებოდეს საეკლესიო საბუთებშიაც. (იხილე უქაზი უწმ. სინოდისა 28 თებერვლიდან 1889 წელსა № 2 და 9 თებერვლიდან 1895 წლისა).

კით. შეუძლია თუ არა მღვდელს, რომელსაც შვილები არა ჰყავს, არ გადიხადოს სასულიერო სასწავლებლის შესანახავი ფულები, რომელიც ყოველ მღვდელს ხდება?

მიგ. არ შეუძლია.

კით. ვალდებულია თუ არა სტაროსტა, რომ მან სხვა-და-სხვა საჭირო მოწმობების და გამოწერილობათა ბლანკები იყიდოს ეკლესიის ფულით?

მიგ. ვალდებულია.

კით. მედავითნეებმა ვისთან უნდა აღიარონ აღსარება, მრევლის მღვდელთან თუ მოძღვართ-მოძღვართან?

მიგ. მედავითნეები აღსარებას უნდა ამბობდნენ მოძღვართ მოძღვართან ან სხვა მრევლის მღვდელთან, რომელთაგან მიცემული მოწმობა უნდა წარედგინოს მოძღვართ-მოძღვარს წლის გამთავებს. (იხ. სტატია სასულ. კონსისტ. 69).

კით. ვთქვათ მედავითნე მიმქმელად არის ბავშვის ნათვლაზე, სხვა მედავითნე არ არის, შეიძლე-

ბა იგივე მედავითნე დაინიშნოს მიმქმელადაც და მედავითნეთაც ხელი მოაწეროს მეტრიკაში?

მიგ. შეიძლება, არავითარი დამაბრკოლებელი მიზეზი არ არის, რომ მან ხელი მოაწეროს მეტრიკაში მედავითნეთ.

კით. შეიძლება თუ არა გამოტირილის შესრულება და პანაშვიდის ვარდახდა იმ დღეებში, როცა ილღესასწაულება ხელმწიფის იმპერატორის და მემკვიდრის სახელწოდება, დაბადება, ან გვირგვინოსნობა და ტახტზე ასვლა?

მიგ. არ შეიძლება არც გამოტირილის შესრულება და არც პანაშვიდის ვარდახდა. ეს აკრძალულია უწმ. სინოდის უქაზით 11 ივნისიდან 1724 წლისა. მღვდელი ვალდებულია გააფრთხილოს თვისი მრევლი, რომ ამ დღესასწაულ დღეებში განსვენებულის გამოტირილის და განსვენების დღე არ დანიშნოს.

კით. რუსეთში სამღვდლოებას მიწები აქვს მიცემული საზოგადოებისაგან, საქართველოს საექსარხოლოში კი ამისთანა მიწები მღვდლებს არსად არა აქვსთ. როგორ უნდა მოიქცეს კაცი, რომ მღვდელს აქაც მისცენ მიწები და ვის უნდა სთხოვონ ეს?

მიგ. კრებულთა ასეთი ადგილები უნდა სთხოვონ სამრევლოებს, რომ მათ მისცენ მიწები ეკლესიის კრებულთა სასარგებლოდ, თუ კი საზოგადოებას აქვს ასეთი თავისუფალი მიწები. თუ საზოგადოებას თავისუფალი მიწები არა აქვს, მღვდლებს შეუძლიათ ეპისკოპოსის საშუალებით გამოითხოვონ სახელმწიფო მიწები, თუ კი ასეთი მიწები იშოვნებიან ეკლესიების კრებულთა მახლობლად \*).

\*) ეს უკანასკნელი კითხვა გადმოთარგმნილია „საეკლესიო მკამბიდან“ და გავსაზიანია ალბად ქართული მღვდლისაგან. სამწუხარაა, რომ კითხვის მიმცემ მღვდელს არ სცოდნია, რომ რუსეთის და საქართველოს სამღვდლოებათა მდგომარეობა ძლიერ დაშორებულია ერთმანეთს დრამისა და სხვა შემოსავლის ადების შესახებ. არ სცოდნია ამ მოძღვარს, რომ ჩვენში თითოეული მოძღვრისათვის რამდენიმე დესიატინა მიწის მიცემა შეუძლებელია, რადგან სპირად მთელი მრევლის მიდამო 150 დესიატინას არ აღემატება. რუსეთში ზოგადგადას დესიატინა მიწა დიკს მანეთიდან ხუთ მანეთამდე და ჩვენში კი სიმრავლე მანეთიდან 2000 მანეთამდე...

მიიღება ხელის-მოწერა 1901 წლისათვის ორ  
კვირულ გამოცემათა ქართულს

# „მწეემს“ - ზე

რუსულ «П А С Т Ы Р Ь»-ზე

## ქ უ რ ნ ა ლ ი ს ფ ა ს ი :

12 პუბლ. «მწეემსი» 3 მ.	6 თვით «მწეემსი» 2 პ.
— „რუსული“ 3 მ.	— „რუსული“ 2 პ.
— „ორივე გამოცემა“ 3 მ.	— „ორივე გამოცემა“ 3 პ.

ბაზეთზე ხელის-მოწერა შეიძლება როგორც  
ეგვიპტეში, აგრეთვე ქუთაისშიაც. თბილისში  
წერა-კითხვის გამავრცელებელ საზოგადოების წიგნის  
მალაზაში, ბ. შიო ქუთუაშვილთან. ფოთში — დეკან  
ნოზ მ. გრიგოლ მაჭაროეთან; საჩხერეში — ყრაან  
ჩაიძეთან; სხადცხეში — დეკანოზ დ. ხახუტოეთან;  
სხადცხენაში — ბლაღოჩინ მანა არისტარქ კალანდარი-  
შვილთან.

სოფლის მასწავლებელთ და ღარიბთ დახმობის დაეთმო-  
ბათ მთელის წლით ორივე გამოცემა სამ მ ა ნ ე თ ა დ.

რედაქციას აქვს კანტორები: ქუთაისში დეისაძი,  
სახლებში და ეგვიპტეში რედაქტორის საკუთარ  
სახლებში.

ბარეშე კვლავრებთ ქუჩნალის დაბარებზე შეიძლება  
ამ აღჩესით: Вь Квирпль, вь редакцію газеты и  
журнала „МЦЕМСИ“ и «ПАСТЫРЬ».

რედაქციაში მოიპოვება წარსული წლების რამ-  
დენიმე სრული გამოცემანი „მწეემსი“-სა, რომელ-  
ნიც ნახევარ ფასად დაეთმობათ მსურველთ.

1901 წლის ხელის მომწერთ პრემიად (საჩუქ-  
რად) აქვს დანიშნული დიდი სურათი ყოვლად  
სამღვდელო ლეონიდისა, იმის მსგავსი, როგორიც  
არიან შოთა რუსთაველისა და თამარის. ხელის  
მომწერლებმა უნდა შემოიტანონ ფოსტის ზედ-მეტ  
ხარჯად ორი შაური. ამ პრემიის გასაგზავნი.

სშირად როცა რაიმე უბედურება გვეყვება, მსოფლიდ  
მაშინ ვიწყებთ სინანულს, რომ თავის დროზე რაიმე  
დონე არ ვიხმარეთ, რომ ამისთანა უბედურ შემთხვევათაგან  
თავი უსრუნველ გვეყო. რომ შემდეგში მაინც თავიდაც  
ავადინოთ ნივთიერი ზარალი რაიმე უბედური შემთხვე-  
ვის დროს, ეგვლას უჩქევთ თავის დასდევვას დასაზღვევ  
საზოგადოება — „რესსიაში“. ეგველ ზირს, რომელიც  
წლიურად შეიტანს 20-დამ 50 მანეთამდე, იმისდა მი-  
ხედვით, ვინ რა მხელეა, შეუძლიათ თავი დაიზღვევოს  
10,000 მანეთში სიკვდილის შემთხვევისაგან და 10,000  
მანეთში, თუ ვანიცობა დასდევული ზირი დაშავდა.

დასდევვა შეიძლება 1000 მანეთიდან 200,000  
მანეთამდე.

1900 წ. დასდევველმა საზოგადოებამ „რესსიაში“  
მისცა უბედურ შემთხვევათაგან დაზარალებულ ზირთ  
უმეტეს 1,200,000 მანეთისა.

უფრო დაწვრილებით ზირობათა შეტეობა შეიძლება  
საზოგადოების სამშართველში (ზეტერბურგში № 37,  
აგენტთან ქ. ქუთაისში ი. ა. მიქელაძესთან ქარ.-სარაის  
ქუჩა მის. სათავად-აზ. ბანკის სახლში და აგენტებთან  
იმპერიის ეგველ ქალაქებში.

### შ ი ნ ა ა რ ს ი :

**ოფიციალური განმარტება:** იმერეთის ეპარქი-  
ალური გაბრიელის სასწავლებლის რჩევისაგან. — ქუთაისის სა-  
სულიერო სემინარიის სამმართველოსაგან. — ღებობის გადასა-  
ხადის ახალი წესდებულება.

**სალითერატურო განმარტება:** წერილი წმიდა  
ათონიდან. — ყოველი სული აქედით უფალსა, რ — ს — ლისა.  
— კანონი და სიმართლე. — „მწეემსი“ კორრესპონდენცია, მ.  
ა. შ — ძისა. — ქუჩნალ-გაზეთებიდან. — ახალი ამბები და შენი-  
შვნები.

**საზიკო და სასარგებლო ცნობათა განმარტ-  
ება:** საეჭვო კითხვების განმარტება.  
— განცხადებანი.